

PRODAJA ULAZNICA ZA UTAKMICU BIH-ANDORA POČINJE 21. AUGUSTA 2015. u 9 SATI

Uzimajući u obzir izuzetnu važnost svih utakmica koje naša reprezentacija igra u kvalifikacijama za odlazak na Evropsko prvenstvo u Francuskoj 2016. godine, posebno apostrofiramo i utakmicu BOSNA I HERCEGOVINA – ANDORA, koja će biti odigrana na stadionu „Bilino Polje“ u Zenici, 06. 09.2015. godine (20:45sati), kao i zbog ostalih okolnosti vezanih za nastup naše reprezentacije u Belgiji, nekoliko dana prije utakmice u Zenici, Nogometni/Fudbalski savez BiH je blagovremeno započeo organizacione pripreme, koje su uključivale i definisanje plana prodaje i distribucije ulaznica za utakmicu sa ANDOROM.

Već sada utakmica pobuđuje ogromno interesovanje navijača, posebno onih koji iz raznih razloga neće ići na utakmicu u Belgiju, a željeli bi da vide naše zmajeve uživo.

Savez je već primio veliki broj zahtjeva za rezervaciju ulaznica za navedenu utakmicu, i već sada je izvjesno da će biti prodan puni kapacitet stadiona u Zenici.

Zbog limitiranog kapaciteta, sugurnosnih mjera i ne puštanja u prodaju sjeverne tribine, štampano je 9.300 ulaznica za prodaju, a cijene su 40 KM (tribina zapad), 30 KM (istok), 20 KM (jug).

Poslije neophodnih analiza i bezbjedonosnih procjena, u skladu sa odgovarajućim standardima FIFA i UEFA i zaključcima nadležnih organa NS/FS BiH, prodaja ulaznica za predmetnu utakmicu bice izvršena na slijedeći način:

1. Prodaja 5.500 ulaznica putem poslovnica ovlaštene partnerske agencije „Centrotours“

Prema definisanim pravilima, a u cilju sprječavanja manipulacija ulaznicama, te uzimajući u obzir prethodna iskustva, ustanovljeni su slijedeći principi koji će obavezno biti primijenjeni prilikom prodaje ulaznica:

- a) *Jedna osoba može kupiti najviše dvije (2) ulaznice, uz predočavanje identifikacionog dokumenta (lična karta) i evidentiranje serijskih brojeva ulaznica,*
- b) *Kupovina ulaznica osobama bez identifikacionog dokumenta (lična karta, pasoš) neće biti dozvoljena,*
- c) *Osobi koja je već identifikovana kao kupac ulaznice neće biti omogućena ponovna kupovina ulaznicama istom ili drugom prodajnom mjestu,*
- d) *Ulaznice će biti u prodaji na prodajnim mjestima „Centrotoursa“ i njihovih partnerskih agencija u cijeloj BiH, a prema spisku koji će biti objavljen putem sredstava informisanja,*
- e) *NS/FS BiH će imati mogućnost elektronskog nadzora nad prodajom ulaznica kako bi preduzeo potrebne mjere u spornim slučajevima,*
- f) ***Prodaja ulaznica počinje u PETAK, 21. 08. 2015. godine u 09:00 sati.***

Kupci ulaznica za utakmicu BiH – Andora imaće prioritet prilikom kupovine istog broja ulaznica i za meč BiH - Vels, u Zenici, 13. 10. 2015. godine.

2. Neposredna prodaja 3.800 rezervisanih ulaznica za potrebe slijedećih kategorija, u skladu sa proporcionalno definisanim broju ulaznica:

- a) *Igrači „A“ reprezentacije*
- b) *Stručni štab „A“ reprezentacije*
- c) *Organizovane i registrovane navijačke grupe reprezentacija BiH*
- d) *Stručni štabovi ostalih reprezentativnih selekcija*
- e) *Kantonalni/županijski i područni savezi, putem entitetskih saveza*
- f) *Klubovi Premijer lige BiH*
- g) *Članovi organa i tijela NS/FS BiH*
- h) *Zaslužni nogometni/fudbalski radnici i bivši reprezentativci BiH*
- i) *Sponzori i partneri NS/FS BiH*
- j) *Organi i institucije državnog i entitetskog nivoa*
- k) *Administracija NS/FS BiH*

Na naprijed opisani način Savez je nastojao da omogući transparentnu kupovinu ulaznica navijačima, prodajom putem „Centrotoursa“, ali i drugim pravnim subjektima, sve u skladu sa realnim mogućnostima, i ograničenim kapacitetom zeničkog stadiona.

Slijedom naprijed navedenog, želimo zamoliti i obavijestiti zainteresovane navijače da već od sutra (PETAK 21.08.2015.) mogu kupiti svoje ulaznice za utakmicu protiv ANDORE, te da to urade što prije kako bi izbjegli nepotrebne gužve, jer očekujemo da već do 01.09. 2015. sve ulaznice budu rasprodate.

Posebno ističemo da je prilikom utvrđivanja kriterija i procedura prodaje ulaznica, uzeto u obzir da će neposredna prodaja ulaznica biti vršena samo za organizovane navijačke grupe, koje redovno prate utakmice naše reprezentacije i pružaju konstantnu podršku.

Cijeneći sve navedene i druge činjenice i okolnosti, ljubazno molimo vjerne navijače naše reprezentacije da iskažu potrebno razumijavanje i toleranciju prilikom procedura kupoprodaje ulaznica.

Na kraju, koristimo priliku da pozovemo navijače koji će 06. 09. 2015. godine biti na stadionu „Bilino polje“ da pomognu našoj reprezentaciji gromoglasnom podrškom, ali na sportski korektan način, uz poštivanje i uvažavanje svih aktera utakmice.